

# 第一珍寶已無阻力位



上星期提及過歐啓祥(六三二)，一開市就俾人係咁買咗上去，最高做〇點一七五元，升幅達四十七巴仙，如果開市夠膽追入嘅話，相信都有些少斬獲。

另外隻第一珍寶(〇七三)，亦由見稿個日嘅八毫子，升到上昨日九毫七仙，升幅兩成多。個老友來電話已將原本目標一元調升到二元。

小弟認為，如果閣下係有利潤在手的話，不妨借住先，當因呢隻股真係無乜衝貨，而且從技術走勢睇，但已經無晒阻力位，可以話任得佢飛。既然有二成利潤咁多，唔怕唔！

有識人提供亨亞(四二八)，佢話莊家收貨多時，昨日只不過係第一日炒上，如無意外，應該仲有兩、三日炒作，不過就話二毫八個位唔係咁易破。以昨日收市價〇點一三五元計，水平唔係咁多，無乜肉食，不過即日鮮嘅話可以試吓。

有隻股票概念同啟祥(六三二)一樣嘅聯網信貸(一八五)，佢又係有間附屬公司，VISION 聯美國NASDAQ上市，近嚟已經升咗一倍，如果各位仍然深信網股前途美好的話，不妨入番些少。

寅子